

اتوار یکم مارچ، 2026

مضمون۔ مسیح یسوع

سنہری متن: یوحنا 3 باب 16 آیت

”کیوں بے رب نے جگ نال اجیہی محبت رکھی پئی اوہنے اپنا اکلوتا پتر دے دتا تاں جو جیہڑا وی اوہدے ایمان لیاوے اوہ ہلاک نہ ہووے بلکہ ہمیشہ دی حیاتی پاوے۔“

جوابی پڑھائی: لوقا 4 باب 1، 16، 21 آیتاں

- 1- فیر یسوع پاک روح نال بھریا ہو ئیا یردن توں پر تیا۔
- 16- تے اوہ ناصرت وچ آیا جتھے اوہنے پرورش پائی سی تے اپنے دستور دے مطابق سبت دے دن عبادت خانے وچ گیا تے پڑھن لئی کھلوتا۔
- 17- تے بسعیہ نبی دی کتاب اوہنوں دتی گئی تے کتاب کھول کے اوہنے اوہ مقام کڈھیا جتھے لکھیسی پئی۔
- 18- خداوند داروح میرے اُتے اے۔ ایس لئی پئی اوہنے مینوں غریباں نوں خوشخبری دین لئی مسیح کیتا۔ اوہنے مینوں گھلایا اے پئی قیدیاں نوں رہائی تے آنھیاں نوں بینائی پان دی خبر سناواں۔ کچلے ہوئیاں نوں آزاد کراں۔
- 19- تے خداوند دے سال مقبول دی منادی کراں۔

20- فیر اوہ کتاب بند کر کے تے خادم نوں واپس دے کے بیٹھ گیا تے جنسے عبادت خانے وچ سی ساریاں دیاں اکھیاں اوہدے اُتے لگیاں ہوئیاں سی۔

21- اوہ اوہناں نوں آکھن لگیا پئی آج ایہہ نوشتہ تہاڈے سامنے پورا ہو گیا۔

درسی وعظ

بائبل وچوں

1- یسعیاہ 42، باب 1، 5، 7 آیتاں

1- ویکھو میرا خادم جنہوں میں سنبھالداواں۔ میرا برگزیدہ جیدے توں میرا دل خوش ہندا اے۔ میں اپنی روح اوہدے اُتے پائی۔ اوہ توماں وچ عدالت جاری کرے گا۔

5- جنسے آسمان نوں پیدا کیتا تے تان دتا جنسے دھرتی نوں تے جو کجھ اوہدے وچوں نکلا اے پھلایا تے جیہڑا اوہدے باشندیاں نوں ساہ تے اوہدے اُتے ٹرن والیاں نوں روح دیندا اے یعنی خداوند رب اناخ آکھدا اے۔

6- میں خداوند نے تینوں سچیاں نال بلایا میں ای تیرا ہتھ پھڑاں گاتے تیری حفاظت کراں گاتے لوکاں دے عہد تے توماں دی لوئی تینوں دیواں گا۔

7- پئی توں انھیاں دیاں اکھیاں کھولیں تے اسیراں نوں قید وچوں کڈھیں تے اوہناں نوں جیہڑے ہنیرے وچ بیٹھے نیں قید خانے وچوں چھڑائیں۔

2- یوحنا 1 باب 6 توں 14، 16، 17 آیتاں

- 6- اک بندہ یوحنا ناں دا آگیا جیہڑا رب ولوں گھلایا گیا سی۔
- 7- ایہہ گواہی لئی آیا پئی نور دی گواہی دیوے تاں جو سارے اوہدے راہیں ایمان لیان۔
- 8- اوہ آپ تے نور نئیں سی پر نور دی گواہی دین لئی آیا سی۔
- 9- اصلی نور جیہڑا ہر بندے نوں روشن کر دالے جگ وچ آؤن والا سی۔
- 10- اوہ جگ وچ سی تے جگ اوہدے راہیں بنیاتے جگ نے اوہنوں نہ پچھانیا۔
- 11- اوہ اپنے گھر آیا تے اوہدے اپنیاں نے اوہنوں قبول نہ کیتا۔
- 12- پر جنیاں نے اوہنوں قبول کیتا اوہنے اوہناں نوں رب دے پتر بنن دا حق بخشیا یعنی اوہناں نوں جیہڑے اوہدے ناں اُتے ایمان لیاؤندے نیں۔
- 13- اوہ نہ لہو توں نہ بدن دی خواہش توں نہ انسان دے ارادے توں بلکہ رب توں جے۔
- 14- تے کلام مجسم ہو گیا تے فضل تے سچائی نال معمور ہو کے ساڈے وچالے رہیا (تے اسی اوہدا جیہہ جلال ویکھیا جیویں پیو دے اکلوتے دا جلال)۔
- 16- کیوں جے اوہدی معموری وچوں اسی ساریاں نے پایا یعنی فضل اُتے فضل۔
- 17- ایس لئی پئی شریعت تے موسیٰ دے راہیں دئی گئی پر فضل تے سچائی یسوع مسیح دے راہیں اُپڑی۔

3- متی 3 باب 13 توں 17 آیتاں

- 13- اوس ویلے یسوع گلیل توں یردن دے کنڈے اُتے یوحنا دے کول اوہدے توں بپتسمہ لین لئی آیا۔
- 14- پر یوحنا ایہہ آکھ کے اوہنوں منع کرن لگا پئی مینوں آپ تیرے توں بپتسمہ لین دی لوڑاے تے توں میرے کول آیا ایں؟
- 15- یسوع نے اوہنوں جواب دتا ہن رتوں ہوں ای دے کیوں جے ساہنوں ای ساری راستبازی پوری کرنا مناسب اے۔ ایہدے اُتے اوہنے ہون دتا۔
- 16- تے یسوع بپتسمہ لے کے فی الفور پانی وچوں اُتے گیا تے دیکھو اوہدے لئی آسمان کھل گیا تے اوہنے رب دے روح نوں کبوتر وانگر اتر دیاں تے اپنے اُتے آؤندیاں دیکھیا۔
- 17- تے دیکھو آسمان توں ایہہ آواز آئی پئی ایہہ میرا سوہنا پتر اے جیدے توں میں خوش واں۔

4- متی 4 باب 23، 24 آیتاں

- 23- تے یسوع سارے گلیل وچ پھر دارہیا تے اوہناں دے عبادت خانیاں وچ تعلیم دیندا تے بادشاہی دی خوشخبری دی منادی کردا تے لوکاں دی ہر طراں دی بیماری نت کمزوری نوں دور کردارہیا۔
- 24- تے اوہدی شہرت سارے سوریہ وچ پھیل گئی تے لوک سارے بیماراں نوں جیہڑے وکھریاں وکھریاں بیماریاں وچ گرفتار سی تے اوہناں نوں جنہاں وچ بدروحواں سی تے مرگی والیاں تے مفلوجاں نوں اوہدے کول لیائے تے اوہنے اوہناں نوں چنگا کیتا۔

5- متی 5 باب 1 توں 12، 17، 18 آیتاں

- 1- اوہ ایس جتھے نوں دیکھ کے پہاڑ اُتے چڑھ گیا تے جد بیٹھ گیا تے اوہدے چیلے اوہدے کول آئے۔

- 2- تے اوہ اپنی زبان کھول کے اوہناں نوں اینج تعلیم دین لگیا۔
- 3- دھن نیں اوہ جیہڑے دل دے غریب نیں کیوں جے اسمان دی بادشاہی اوہناں دی ہی اے۔
- 4- دھن نیں اوہ جیہڑے دکھی نیں کیوں جے اوہ تسلی پان گے۔
- 5- دھن نیں اوہ جیہڑے حلیم نیں کیوں جے اوہ دھرتی دے وارث ہون گے۔
- 6- دھن نیں اوہ جیہڑے راستبازی دے پگھے تے تریائے نیں کیوں جے اوہ جھن گے۔
- 7- دھن نیں اوہ جیہڑے رحم دل نیں کیوں جے اوہناں اُتے رحم کیتا جاوے گا۔
- 8- دھن نیں اوہ جیہڑے پاک دل نیں کیوں جے اوہ رب نوں دیکھن گے۔
- 9- دھن نیں اوہ جیہڑے صلح کراؤندے نیں کیوں جے اوہ رب دے پتر اکھوان گے۔
- 10- دھن نیں اوہ جیہڑے راستبازی دے پاروں ستائے گئے کیوں جے اسمان دی بادشاہی اوہناں دی ای اے۔
- 11- جد میرے پاروں لوکی تہانوں لعن طعن کرن گے تے ستاؤن گے تے ہر طراں دیاں بھیڑیاں گلاں تہاڈے بارے جھوٹ آکھن گے تے تسی دھن ہوو گے۔
- 12- خوشی کریو تے بوہت شادمان ہوو کیوں جے اسمان اُتے تہاڈا جر وڈھا اے ایس لئی پئی لوکاں نے اوہناں نییاں نوں وی جیہڑے تہاڈے توں پہلاں سی ایسے طراں ستایا سی۔
- 17- ایہہ نہ سمجھو پئی میں توریت یا نییاں دیاں کتاباں نوں منسوخ کرن آیاواں۔ منسوخ کرن نیں بلکہ پورا کرن آیاواں۔
- 18- کیوں جے میں تہانوں سچ آکھداواں پئی جد تیکر اسمان تے دھرتی ٹل نہ جان اک نقطہ یا اک شوشہ توریت وچوں بالکل نہ ٹلے گا جد تیکر کہ سب کجھ پورا نہ ہو جاوے۔

6- متی 11 باب 2 توں 6 آیتاں

2- تے یوحنا نے قید خانے وچ یسوع دے کماں داحال سن کے اپنے دو چیلیاں دے راہیں اوہدے توں بچھن نوں گھلیا۔

3- پئی آؤن والاثوں ای ایس یا سی کسے دو جے دی راہ تکیئے؟

4- یسوع نے جواب وچ اوہناں نوں آکھیا پئی جو کجھ تسی سن دے تے ویکھدے او جا کے یوحنا نوں دسو۔

5- پئی اٹھے ویکھدے تے لنگڑے ٹردے پھر دے نیں۔ کوڑھی پاک کیتے جان دے تے بولے سُن دے تے موئے جیوندے کیتے جان دے نیں تے غریباں نوں خوشخبری سنائی جان دی اے۔

6- تے دھن اے اوہ جیہڑا میرے پاروں ٹھو کر نہ کھاوے۔

7- مرقس 13 باب 30 (توں پہلی)، 31 توں 37 آیات

30- میں تہانوں سچی آکھداواں،

31- اسمان تے دھرتی ٹل جان گے پر میریاں گلاں نہ ٹلن گیان۔

32- پراوس دن یا اوس ویلے دے بارے کوئی نئیں جان دا۔ نہ اسمان دے فرشتے، نہ پتر پر باپ جان دا اے۔

33- خبردار! جاگدے تے دعا کر دے رہو و کیوں جے تسی نئیں جان دے پئی اوہ ویلہ کدوں آوے گا۔

34- اوس بندے ورگا حال اے جیہڑا پر دیس نوں گیتے اوہنے گھروں نکلن ویلے اپنے نوکراں نوں اختیار دتا یعنی ہر بندے نوں اوہدا کم دس دتا تے دربان نوں حکم دتا پئی جاگدار ہووے۔

35- ایس لئی جاگدے رہو و کیوں جے تسی نئیں جان دے پئی گھر دامالک کدوں آوے گا۔ شام نوں ادھی رات نوں یا لنگڑے بانگ دین ویلے یا صبح نوں۔

36۔ ایٹنہ ہووے پئی اچانک آکے اوہ تہانوں نئے دیکھے۔

37۔ تے جو کجھ میں تہانوں آکھداواں اوہ ای سب نوں آکھداواں پئی جاگدے رہو۔

8۔ متی 28 باب 20 (تے) آیت

20۔۔۔۔ تے دیکھو میں دنیا دے اخیر تیکر تہاڈے نال واں۔ آمین۔

سائنس تے صحت

1۔ 12:3:18

یسوع ناصری نے انسان تے انسان دے اکٹھ نوں بیان کیتا، تے ایہدے لئی ساڈے اُتے اوہدی بوہت زیادہ عقیدت دا بھاراے۔ اوہدا مشن انفرادی تے اجتماعی دونویں سی۔ اوہنے حیاتی دامناسب کم پورا کیتا نہ صرف اپنے انصاف لئی بلکہ انساناں اُتے رحم دے پاروں اوہناں نوں ایہہ دکھان لئی پئی اوہناں نے اپنا کم کینویں کرنا، بلکہ نہ تے آپ اوہناں لئی کرن یا نہ ای اوہناں نوں کسے ذمہ داری توں آزاد کرن لئی ایہہ کیتا۔ یسوع نے جرأت نال حساں دے منے ہوئے ثبوت دے خلاف، منافقانہ عقیدیاں، مشتقاں دے خلاف کم کیتا، تے اوہنے اپنی شفا دین والی طاقت دے راہیں اپنے سارے مخالفان دی تردید کیتی۔

25-19:30 -2

سچیائی دے انفرادی نمونے دے طور تے، یسوع مسیح ربونی غلطی تے سارے پاپ، بیماری تے موت نوں رد کرن آیا، تاں جو سچیائی تے حیاتی دی راہ ہموار کرے۔ روح دے پھلاں تے مادی فہم، سچیائی تے غلطی دے وچکار فرق نوں واضح کر دیاں ہوئے، ایہہ نمونہ یسوع دی پوری زمینی حیاتی دے دوران ظاہر ہندارہیا۔

21-11:315 -3

یسوع دے روحانی اصل تے سمجھنے اوہنوں ہستی دیاں اصلیتاں ظاہر کرن دے، ناقابل تردید طور تے ایہہ ثابت کرن دے قابل بنایا پئی کینویں روحانی سچیائی مادی غلطی نوں تباہ کر دی اے، بیماری نوں ٹھیک کر دی اے تے موت نوں جت لیندی اے۔ یسوع دے خدائی تصور نے ایس سچیائی ول اشارہ کیتا تے تخلیق دی اک مثال پیش کیتی۔ یسوع دی تاریخ ظاہر کر دی اے پئی اوہ دو جیاں ساریاں زمینی شخصیات نالوں بوہتار روحانی سی۔

انسانی شبیہ اپنا دیاں ہوئے (یعنی جیویں پئی فانی نظر نوں دکھائی دیندا اے)، انسانی ماں دے پیٹ وچ حمل لیندیاں ہوئیاں، یسوع روح تے بدن دے وچکار، سچیائی تے غلطی دے وچکار درمیانی سی۔ الہی سائنس دی راہ نوں واضح کر دیاں تے ظاہر کر دیاں ہوئیاں، اوہ اوہناں ساریاں لئی مکتی دی راہ بن گیا جنہاں نے اوہدے کلام نوں قبول کیتا۔ انسان اوہدے توں ایہہ سکھ سکدے نیں پئی بریائی توں کیویں بچیا جاوے۔ حقیقی انسان داسائنس دے پاروں اپنے خالق نال تعلق استوار کر دیاں ہوئیاں، انسان نوں صرف پاپ توں دور ہوون تے مسیح، یعنی حقیقی انسان تے رب دے نال اوہدے تعلق نوں پاون تے الہی فرزندگی نوں بچھان لئی فانی خودی توں نظر ہٹاؤن دی لوڑ اے۔ یسوع دے راہیں بدن اُتے روح دی طاقت نوں ثابت کرن لئی مسیح یعنی سچیائی نوں ظاہر کیتا گیا سی، ایہہ دکھان لئی پئی انسانی سیان تے بدن اُتے ایہدے اثر اں دے پاروں سچیائی نوں، بیماری توں شفا دیندیاں ہوئے تے پاپ نوں نیست کر دیاں ہوئے، ظاہر کیتا جاندا اے۔

4- 26-3:473

اپنے کماں نوں اپنے لفظاں دی نسبت بوہتی اہمیت دیندیاں ہوئے یسوع نے جو آکھیا اوہنوں اظہار دے راہیں پورا کیتا۔ جو اوہنے سکھایا اوہنوں ثابت کیتا۔ ایہہ امی مسیحت دی سائنس اے۔ یسوع نے اوس اصول نوں، جیہڑا بیمار نوں شفا دینداتے غلطی نوں باہر کڈھ دالے، الہی ثابت کیتا۔ فیروی اوہدے کجھ طالب علم امی اوہدیاں تعلیماں تے اوہناں دے جلالی ثبوتوں سمجھ سکے، جیویں پئی، حیاتی، سچائی تے پیار (ایس نہ منی ہوئی سائنس دا اصول) ساری غلطی، بریائی، بیماری تے موت نوں نیست کر دالے۔

5- 26-23:313

یسوع ناصر جگ وچ پیر رکھن والا سب توں بوہتا سائنسی بندہ سی۔ اوہنے مادی شیواں دے بیٹھاں غوطہ لایاتے روحانی وجہ نوں لبھیا۔

6- 25-22:271

پھاڑتے خطاب ایس سائنس دا نچوڑاے، تے ہمیشہ دی حیاتی، نہ کہ یسوع دی موت، ایہدا نتیجہ اے۔

7- 28-9:26

ساڈے مالک نے بس نظریے، عقیدے یا ایمان دی تعلیم نئیں دتی۔ ایہہ الہی اصول دی پوری ہستی سی جیدی اوہنے تعلیم دتی تے مشق وی کیتی۔ مسیحیت لئی اوہدا ثبوت مذہب یا عبادت دا کوئی نظام یا شکل نئیں سی، بلکہ ایہہ کر سچن سائنس اے جیہڑی حیاتی تے پیار دی ہم آہنگی اُتے عمل کر دی اے۔

8- 31-22:25

بھانویں پاپ تے بیماری اُتے اپنا اختیار ظاہر کر دیاں ہوئے، وڈھے استاد نے کسے طراں وی دو جیاں نوں اوہناں دے تقویٰ دے مطلوبہ ثبوت دین وچ مدد نئیں کیتی۔ اوہنے اوہناں دی ہدایت لئی کم کیتا، پئی اوہ ایس طاقت دا اظہار ایچ ای کرن جیویں اوہنے کیتا تے ایہدے الہی اصول نوں سمجھن۔ استاد اُتے پورا ایمان تے اوہ سارا جذباتی پیار جیہڑا اسی اوہدے اُتے نچھاور کر سکدے آں، بس ایہہ ای ساہنوں اوہدے مگر ٹرن والے نئیں بناؤن گے۔ ساہنوں جا کے اوہدے وانگر ای کم کرنا چاہیدا اے، نئیں تے اسی اوہناں وڈھیاں برکتاں نوں نئیں ودھار پئے جیہڑیاں ساڈے مالک نے ساہنوں دین لئی کم کیتا تے تکلیف سہی۔

9- 24-19:51

اوہدا کامل نمونہ ساڈے ساریاں دی ملتی لئی سی، پر صرف اوہ کم کرن دے راہیں جیہڑے اوہنے کیتے تے دو جیاں نوں اوہناں دی تعلیم دتی۔ شفا لئی اوہدا مقصد بس صحت دینا نئیں سی بلکہ اپنا الہی اصول ظاہر کرنا وی سی۔ جو کجھ اوہنے آکھیا تے کیتا اوہدے وچ اوہ رب توں، سچیا لئی تے پیار توں متاثر سی۔

10- 31-9:429

یسوع نے آکھیا (یوحنا 8 باب 51 آیت)، ”جے کوئی بندہ میرے کلام اُتے عمل کرے گا تے ہمیشہ تیکر کدی موت نوں نہ دیکھے گا۔“ ایہہ بیان روحانی حیاتی تیکر محدود نہیں، بلکہ ایسے ویج وجودیت دا کرشمہ وی شامل اے۔ یسوع نے ایسدا اظہار مرن والے نوں شفا دیندیاں ہوئے تے مردے نوں جیوندہ کر دیاں ہوئے کیتا۔ فانی سیان نوں غلطی توں دور ہونا چاہیدا اے، اپنے آپ نوں ایسے کماں توں الگ رکھنا چاہیدا اے، تے لافانی جوان مردی، مثالی مسیح، غائب ہو جاوے گا۔ مادے دی بجائے روح اُتے انحصار کر دیاں ہوئے ایمان نوں اپنیاں حد اں نوں ودھاؤناتے اپنی نیوں نوں مضبوط کرنا چاہیدا اے۔ جد انسان موت اُتے اپنے یقین نوں جھٹدیندا اے، اوہ ہور تیزی نال رب، حیاتی تے پیار ویج ودھے گا۔

11- 31-16:37

یسوع دا اقرار کرن والے اوہدے پیر وکار اوہدیاں راہواں مگر ٹرنا تے اوہدے وڈھے کماں دی نقل کرنا کدوں سکھن گے؟ اوہ لوکی جنہاں نے اوس نیک بندے دی شہادت حاصل کیتی اوہ خوش دلی نال اوہدے پاک مستقبل نوں اک نیست کیتی ہوئی نظریاتی تھان ویج بدل دین گے۔ رب کرے پئی انج دے مسیحی ایس چال چلن دی ہور عملی اہمیت نوں منن! ایہہ ممکن اے، ہاں اے ہر بچے، مرد تے عورت دی ذمہ داری تے حق اے پئی اوہ حیاتی تے سچیائی، صحت تے پاکیزگی دے اظہار دے پاروں مالک دے نمونے دی کسے حد تیکر پیروی کرن۔ مسیحی لوکی اوہدے پیر وکار ہوون دا دعویٰ تے کر دے نیں پر کیہ اوہ اوہدے مگر اوسے طرح ٹردے نیں جیویں اوہنے حکم دتا اے؟ ایہناں لازمی حکماں نوں سنو: ”ایس لئی چاہیدا اے پئی تسی کامل ہوو جیویں تہاڈا اسمانی پیو کامل اے!“ ”تسی سارے جگ ویج جا کے پوری خلقت دے سامنے انجیل دی منادی کرو!“ ”بہار نوں شفا دیو!“

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنناں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جا رہا نہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔